

**ՀԻՄՆԱԴՐԱՄՆԵՐԻ ԿՈՂՄԻՑ ՀՐԱՊԱՐԱԿՎՈՂ ՀԱՇՎԵՏՎՈՒԹՅԱՆ
ՀԱՍՏԱՏՎԱԾ Է
Հիմնադրամի հոգաբարձուների
խորհրդի 29-03-2024 թ. որոշմամբ
«ՀԱՅԱՍՏԱՆԻ ՊԵՏԱԿԱՆ ՍԻՄՖՈՆԻԿ ԼՎԱԳԱԽՄԲԻ ԱԶԱԿՑՄԱՆ ՀԻՄՆԱԴՐԱՄ»
Հ Ա Շ Վ Ե Տ Վ ՈՒ Թ Յ ՈՒ Ն
հիմնադրամի 2023 թ. գործունեության մասին**

1. Հիմնադրամի՝		
1.1 Լրիվ անվանումը	ՀԱՅԱՍՏԱՆԻ ՊԵՏԱԿԱՆ ՍԻՄՖՈՆԻԿ ԼՎԱԳԱԽՄԲԻ ԱԶԱԿՑՄԱՆ ՀԻՄՆԱԴՐԱՄ	
1.2 Գտնվելու վայրը	ԵՐԵՎԱՆ ԿԵՆՏՐՈՆ ԿԵՆՏՐՈՆ ԹԱՂԱՄԱՍ ԲՈՒԶԱՆԴ ՓՈՂ. 3 ՏԱՐԱԾՔ 37	
1.3 Պետական գրանցման համարը	222.160.1031198	
1.4 Պետական գրանցման տարին, ամիսը, ամսաթիվը	2018-08-06	
1.5 ՀՎՀՀ-ն	02680874	
1.6 Հեռախոսը (այդ թվում՝ բջջային)	+(374)43222109	
1.7 Պաշտոնական ինտերնետային կայքը		
1.8 Էլեկտրոնային փոստը	finance@armsymphony.am	
2. Հիմնադրի անուն, ազգանուն կամ անվանում՝		
3. Հոգաբարձուների խորհրդի անդամների անուն, ազգանուն՝		
4. Կառավարչի անուն, ազգանուն՝		
Արմեն Թավադյան		
5. Աշխատակազմում ընդգրկված անձանց քանակը	4	
6. Անձեռնմխելի կապիտալի չափը		
7. Անձեռնմխելի կապիտալի կառավարումից ստացված եկամուտ		
8. Ֆինանսավորման աղբյուրները՝		
8.1 Ֆինանսավորումն ըստ խմբերի	8.2 Ստացված ֆինանսական միջոցների նպատակը	8.3 Չափը
8.1.1 Պետական և համայնքային բյուջեներից դրամական մուտքեր		
8.1.2 Իրավաբանական անձանցից դրամական մուտքեր		
	Նվիրաբերություններ կանոնադրական նպատակների համար	110,679,119
	Հաշվարկային հաշվում առկա մնացորդի նկատմամբ տոկոսի հաշվեգրում	405,363
8.1.3 Ֆիզիկական անձանցից դրամական մուտքեր		

	Նվիրատվություններ կանոնադրական նպատակների համար	20,138,754
9. Հիմնադրի ներդրումը՝		
9.1 Դրամական միջոցներ		
9.2 Գույք	9.2.1 Տեսակը	9.2.2 Արժեքը
10. Նվիրատվություններ/ նվիրաբերությունները		
10.1 Նվիրատուները/նվիրաբերողներն ըստ խմբերի՝	10.2 Նվիրված/նվիրաբերված գույք	
	10.2.1 Տեսակը	10.2.2 Արժեքը
10.1.1 Հայաստանի Հանրապետություն/համայնքներ		
10.1.2 Իրավաբանական անձինք		
10.1.3 Ֆիզիկական անձինք		
11. Իրականացված ծրագրերը՝		
11.1 Ծրագրի անվանումը	11.2 Ծախսված գումարը	
Նվիրաբերություն մշակութային կազմակերպություններին կանոնադրական նպատակների համար	55,674,000	
Աջակցություն կանոնադրական գործունեության շրջանակներում Հայաստանի պետական սիմֆոնիկ նվագախմբի երաժիշտներին	21,887,829	
Աջակցություն կանոնադրական գործունեության շրջանակներում մշակույթի ոլորտում գործունեություն իրականացնող անձանց	5,873,551	
12. Ֆինանսական տարում օգտագործված միջոցների ընդհանուր չափը	138,929,070	
13. Կանոնադրական նպատակների իրականացման ուղղված ծախսերի չափը	83,435,380	

Նշումներ՝

Ֆինանսական հաշվետվություններն ու ֆինանսական հաշվետվությունների վերաբերյալ աուդիտն
իրականացնող անձի (աուդիտորի) եզրակացությունը՝ 21 էջերից:
էջերի քանակը

Հիմնադրամի տնօրեն _____
ստորագրությունը, անունը, ազգանունը

Գլխավոր հաշվապահ _____
ստորագրությունը, անունը, ազգանունը

«Հայաստանի պետական սիմֆոնիկ նվագախմբի աջակցման հիմնադրամ»

Ֆինանսական հաշվետվություններ

*2023թ. դեկտեմբերի 31-ին ավարտված տարվա համար
Անկախ աուդիտորական եզրակացության հետ միասին*

Բովանդակություն

Անկախ աուդիտորական եզրակացություն

Ֆինանսական վիճակի մասին հաշվետվություն	1
Ֆինանսական արդյունքների և այլ համապարփակ ֆինանսական արդյունքների մասին հաշվետվություն	2
Չուտ ակտիվներում փոփոխությունների մասին հաշվետվություն	3
Դրամական միջոցների հոսքերի մասին հաշվետվություն	4

Ֆինանսական հաշվետվություններին կից ծանոթագրություններ

1. Հաշվետու կազմակերպություն	5
2. Հաշվետվությունների պատրաստման հիմունքները	5
3. Հաշվապահական հաշվառման քաղաքականությունների ամփոփ նկարագիրը	6
4. Թողարկված, բայց դեռ ուժի մեջ չմտած ստանդարտներ	10
5. Նշանակալի հաշվապահական դատողություններ, գնահատումներ և ենթադրություններ	10
6. Հիմնական միջոցներ	11
7. Տրված փոխառություն	11
8. Տրված կանխավճարներ	11
9. Դրամական միջոցներ և դրանց համարժեքներ	12
10. Առևտրային և այլ կրեդիտորական պարտքեր	12
11. Եկամուտներ ստացված նվիրաբերություններից	12
12. Տրված նվիրաբերություններ	13
13. Վարչական և այլ ծախսեր	13
14. Շահութահարկի գծով ծախս	13
15. Պարտավորվածություններ, պայմանական պարտավորություններ	14
16. Գործարքներ կապակցված կողմերի հետ	14
17. Ֆինանսական գործիքների իրական արժեք	14
18. Ռիսկի կառավարում	15



Ernst & Young CJSC
2, Vazgen Sargsyan St.,
Kamar Business Center, 7th floor
Yerevan, 0010, Armenia
Office: +374 60 50 77 77
www.ey.com/am

«Էրնսթ րնդ Յանգ» ՓԲԸ
ՀՀ, ք. Երևան 0010
2, Վազգեն Սարգսյան փող.
Կամար բիզնես կենտրոն, 7-րդ հարկ
Հեռ.՝ +374 60 50 77 77
www.ey.com/am

Անկախ աուդիտորական եզրակացություն

«Հայաստանի պետական սիմֆոնիկ նվագախմբի աջակցման հիմնադրամի»
Հոգաբարձուների խորհրդին

Կարծիք

Մենք աուդիտի ենք ենթարկել «Հայաստանի պետական սիմֆոնիկ նվագախմբի աջակցման հիմնադրամի» (այսուհետ՝ «Հիմնադրամ») ֆինանսական հաշվետվությունները, որոնք ներառում են 2023թ. դեկտեմբերի 31-ի դրությամբ ֆինանսական վիճակի մասին հաշվետվությունը, նույն ամսաթվին ավարտված տարվա համար ֆինանսական արդյունքների և այլ համապարփակ ֆինանսական արդյունքների, զուտ ակտիվներում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման քաղաքականության վերաբերյալ Էական տեղեկատվությունը:

Մեր կարծիքով, կից ֆինանսական հաշվետվությունները բոլոր Էական առումներով ճշմարիտ են ներկայացնում Հիմնադրամի ֆինանսական վիճակը 2023թ. դեկտեմբերի 31-ի դրությամբ, նույն ամսաթվին ավարտված տարվա համար ֆինանսական արդյունքները, համապարփակ ֆինանսական արդյունքները և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմքեր

Մենք աուդիտն իրականացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների Էթիկայի Միջազգային Ստանդարտների Խորհրդի (ՀԷՄՍԽ) կողմից հրապարակված Պրոֆեսիոնալ հաշվապահի Էթիկայի միջազգային կանոնագրքի (ներառյալ՝ Անկախության Միջազգային Ստանդարտները) (ՀԷՄՍԽ կանոնագիրք), ինչպես նաև Հայաստանի Հանրապետությունում կիրառելի Էթիկայի այն պահանջների, որոնք վերաբերում են ֆինանսական հաշվետվությունների մեր աուդիտին, և պահպանել ենք Էթիկայի այլ պահանջները՝ համաձայն ՀԷՄՍԽ կանոնների: Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:

Ղեկավարության և հոգաբարձուների խորհրդի պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով Էական խեղաթյուրումներից գերծ ֆինանսական հաշվետվությունների պատրաստումն ապահովելու համար:



**Կառուցելով
բարեկեցիկ աշխարհ**

Ֆինանսական հաշվետվություններ պատրաստելիս ղեկավարությունը պատասխանատու է Հիմնադրամի անընդհատ գործելու կարողությունը գնահատելու համար, համապատասխան դեպքերում անընդհատության հետ կապված հարցերը բացահայտելու և Հիմնադրամի գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Հիմնադրամը, ընդհատել դրա գործունեությունը, կամ երբ չունի այդպես չվարվելու որևէ իրատեսական այլընտրանք:

Հոգաբարձուների խորհուրդը պատասխանատու է Հիմնադրամի ֆինանսական հաշվետվությունների պատրաստման գործընթացի նկատմամբ վերահսկողության համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները, ամբողջությամբ վերցրած, զերծ են Եական խեղաթյուրումներից՝ անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ Աուդիտի միջազգային ստանդարտներին համաձայն իրականացված աուդիտը միշտ կհայտնաբերի Եական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են Եական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն:

Ի լրումն՝

- ▶ Հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների Եական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած Եական խեղաթյուրման չբացահայտման ռիսկն ավելի բարձր է, քան սխալի հետևանքով Եական խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ▶ Ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:
- ▶ Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:



Կառուցելով
բարեկեցիկ աշխարհ

- ▶ Եզրահանգում ենք ղեկավարության կողմից հաշվապահական հաշվառման անընդհատության սկզբունքի կիրառման տեղին լինելու վերաբերյալ և հիմնվելով ձեռք բերված աուդիտորական ապացույցների վրա՝ գնահատում ենք, թե արդյոք առկա է դեպքերի կամ հանգամանքների հետ կապված Էական անորոշություն, որը կարող է Էական կասկած հարուցել Հիմնադրամի անընդհատ գործելու կարողության վերաբերյալ: Եթե մենք եզրահանգում ենք, որ առկա է Էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, երբ այդ բացահայտումները համապատասխան չեն, ձևափոխել մեր կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Սակայն, ապագա իրադարձություններն ու հանգամանքները կարող են հանգեցնել Հիմնադրամի գործունեության անընդհատության դադարեցմանը:
- ▶ Գնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Հոգաբարձուների խորհրդին, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

«Էրնսթ ընդ Յանգ» ՓԲԸ

ՀՀ, ք. Երևան

Գլխավոր տնօրեն,
Աուդիտի բաժնի գործընկեր



Էրիկ Հայրապետյան

25 մարտ, 2024թ.

Ֆինանսական վիճակի մասին հաշվետվություն

2023թ. դեկտեմբերի 31-ի դրությամբ

(հազար ՀՀ դրամ)

	Ծան.	2023թ.	2022թ.
Ակտիվներ			
Ոչ ընթացիկ ակտիվներ			
Հիմնական միջոցներ	6	3,836	3,472
		3,836	3,472
Ընթացիկ ակտիվներ			
Պաշարներ		1,545	1,546
Տրված փոխառություն	7	12,000	-
Տրված կանխավճարներ	8	10,137	833
Դրամական միջոցներ և դրանց համարժեքներ	9	34,153	40,100
		57,835	42,479
		61,671	45,951
Ընդամենը ակտիվներ			
Ընթացիկ պարտավորություններ			
Առևտրային և այլ կրեդիտորական պարտքեր	10	5,358	40,488
Պարտավորություններ շահութահարկի գծով	14	73	176
		5,431	40,664
Ընդամենը պարտավորություններ		5,431	40,664
Զուտ ակտիվներ		56,240	5,287
Ընդամենը զուտ ակտիվներ		56,240	5,287
Ընդամենը զուտ ակտիվներ և պարտավորություններ		61,671	45,951

Սույն ֆինանսական հաշվետվությունները հաստատվել են Հիմնադրամի Հոգաբարձուների խորհրդի կողմից և ստորագրվել՝

Գլխավոր տնօրեն՝

Ն. Մանուկյան

Արմեն Թավադյան

Գլխավոր հաշվապահ՝

Գ. Մանուկյան

Աննա Սահակյան

25 մարտ, 2024թ.



**Ֆինանսական արդյունքների և այլ համապարփակ ֆինանսական արդյունքների
մասին հաշվետվություն 2023թ. դեկտեմբերի 31-ին ավարտված տարվա համար**

(հազար ՀՀ դրամ)

	Ծան.	2023թ.	2022թ.
Եկամուտներ ստացված նվիրաբերություններից	11	165,665	119,794
Ընդամենը եկամուտ		165,665	119,794
Տրված նվիրաբերություններ	12	(79,366)	(96,785)
Վարչական և այլ ծախսեր	13	(37,204)	(32,937)
Ընդամենը ծախսեր		(116,570)	(129,722)
Գործառնական շահույթ (վնաս)		49,095	(9,928)
Արտարժույթի փոխարժեքի փոփոխությունների զուտ տարբերություններ		1,526	(1,990)
Տոկոսային եկամուտ		405	977
Շահույթ (վնաս) մինչև հարկումը		51,026	(10,941)
Շահութահարկի գծով ծախս	14	(73)	(176)
Հաշվետու տարվա շահույթ (վնաս)		50,953	(11,117)

Չուտ ակտիվներում փոփոխությունների մասին հաշվետվություն

2023թ. դեկտեմբերի 31-ին ավարտված տարվա համար

(հազար ՀՀ դրամ)

	Հիմնական միջոցների վերագնահա- տումից աճ	Չուտ ակտիվներում փոփոխություն	Ընդամենը
2021թ. դեկտեմբերի 31-ի դրությամբ	45,409	16,404	61,813
Ընդամենը հաշվետու տարվա վնաս	–	(11,117)	(11,117)
Հիմնական միջոցների վերագնահատման պահուստի հակադարձում	(45,409)	–	(45,409)
2022թ. դեկտեմբերի 31-ի դրությամբ	–	5,287	5,287
Ընդամենը հաշվետու տարվա շահույթ	–	50,953	50,953
2023թ. դեկտեմբերի 31-ի դրությամբ	–	56,240	56,240

Դրամական միջոցների հոսքերի մասին հաշվետվություն

2023թ. դեկտեմբերի 31-ին ավարտված տարվա համար

(հազար ՀՀ դրամ)

	Ծան.	2023թ.	2022թ.
Դրամական միջոցների հոսքեր գործառնական գործունեությունից			
Եկամտային ֆոնդերի համալրում նվիրաբերություններից	11	130,818	157,549
Մուտքեր մատուցված ծառայություններից		-	100
Տրված նվիրաբերություններ	12	(79,366)	(96,785)
Աշխատակիցներին և մատակարարներին վճարված գումարներ		(39,643)	(29,480)
Վճարված հարկեր՝ բացի շահութահարկից		(6,870)	(4,006)
Գործառնական գործունեությունից ստացված դրամական հոսքեր՝ նախքան շահութահարկի վճարումը		4,939	27,378
Վճարված շահութահարկ		(515)	(410)
Գործառնական գործունեությունից զուտ դրամական միջոցների հոսքեր		4,424	26,968
Դրամական միջոցների հոսքեր ներդրումային գործունեությունից			
Տրամադրված փոխառություն		(12,000)	-
Հիմնական միջոցների ձեռքբերում		(535)	-
Ստացված տոկոսներ		405	-
Զուտ դրամական միջոցների հոսքեր՝ օգտագործված ներդրումային գործունեությունում		(12,130)	-
Դրամական միջոցների հոսքեր ֆինանսավորման գործունեությունից			
Տոկոսային եկամուտ		-	977
Զուտ դրամական միջոցների հոսքեր՝ ստացված ֆինանսավորման գործունեությունից		-	977
Արտարժույթի փոխարժեքի փոփոխությունների ազդեցությունը դրամական միջոցների և դրանց համարժեքների վրա		1,759	(1,979)
Դրամական միջոցների և դրանց համարժեքների զուտ (սվազում) աճ		(5,947)	25,966
Դրամական միջոցներ և դրանց համարժեքներ հաշվետու տարվա սկզբում		40,100	14,134
Դրամական միջոցներ և դրանց համարժեքներ հաշվետու տարվա վերջում	9	34,153	40,100

Կից ներկայացված 1-ից 18 ծանոթագրությունները հանդիսանում են սույն ֆինանսական
 հաշվետվությունների բաղկացուցիչ մաս:

(հազար ՀՀ դրամ)

1. Հաշվետու կազմակերպություն

(ա) Գործառնությունների բնույթը և ընդհանուր տեղեկատվություն

«Հայաստանի պետական սիմֆոնիկ նվագախմբի աջակցման հիմնադրամ»-ը (այսուհետ՝ «Հիմնադրամ») հիմնադրվել է 2018թ. հուլիսի 26-ին՝ որպես շահույթ չհետապնդող կազմակերպություն և գործում է Հայաստանի Հանրապետության օրենսդրության համաձայն:

Հիմնադրամը ստեղծվել է՝ նպաստելու Հայաստանի պետական սիմֆոնիկ նվագախմբի գործունեության զարգացմանը, պահպանմանը և բարձրացնելու հանրային իրազեկությունը Հայաստանում, Արցախում և նրա սահմաններից դուրս:

Հիմնադրամի հիմնադիրներն են Սերգեյ Սմբատյանը և Աննա Տեր-Հովակիմյանը:

Հիմնադրամը գտնվում է ՀՀ, ք. Երևան, 0010, Բուզանդ փողոց, շենք 3, տարածք 37 հասցեում:

Հոգաբարձուների խորհուրդը բաղկացած է 5 անդամից: Հոգաբարձուների խորհրդին կից գործում են Պատվավոր խորհուրդը, ինչպես նաև Գեղարվեստական խորհուրդը:

2023թ. դեկտեմբերի 31-ի դրությամբ Հիմնադրամն ունեցել է 5 աշխատող (2022: 4 աշխատող):

Հիմնադրամի հիմնական նպատակները հետևյալն են՝

- ▶ Նպաստել հայ մշակույթի, երաժշտության, գիտության և կրթության զարգացմանը հայաստանում և նրա սահմաններից դուրս:
- ▶ Նյութական օժանդակությամբ նպաստել հայաստանի պետական սիմֆոնիկ նվագախմբի՝ միջազգային տարբեր երաժշտական փառատոններին, միջոցառումներին, երաժշտական ծրագրերին մասնակցության ապահովմանը:
- ▶ Նպաստել Հայաստանի և սփյուռքի հայ մշակութային և կրթական կազմակերպությունների և անհատների միջև կապերի հաստատմանը և համագործակցությանը, հայ մշակույթի ներուժի համախմբմանը:

(բ) Գործարար միջավայրը Հայաստանում

Հիմնադրամն իր հիմնական գործունեությունն իրականացնում է Հայաստանում: Հետևաբար, այն ենթակա է Հայաստանի տնտեսական և ֆինանսական շուկաների ազդեցությանը, որոնք բնորոշ են զարգացող շուկաներին: Իրավական, հարկային ու օրենսդրական համակարգերը շարունակում են զարգանալ, սակայն ենթակա են տարբեր մեկնաբանությունների և հաճախակի փոփոխությունների, որոնք այլ իրավական և հարկաբյուջետային խոչընդոտների հետ միասին նպաստում են Հայաստանում գործող կազմակերպությունների առջև ծառայած մարտահրավերներին: Բացի այդ, 2020թ. սեպտեմբերին Լեռնային Ղարաբաղում գինված հակամարտության բռնկումը, դրան հաջորդած Լեռնային Ղարաբաղի վիճելի տարածքների շուրջ հրադադարի պայմանավորվածությունը և, հետագայում, Հայաստանի Հանրապետության տարածքում հակամարտության սրացումը ավելի են մեծացրել բիզնես միջավայրի անորոշությունը:

2. Հաշվետվությունների պատրաստման հիմունքները

Ընդհանուր

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների համաձայն («ՖՀՄՍ»):

Հիմնադրամը պարտավորված է իրականացնել հաշվապահական հաշվառումը և պատրաստել ֆինանսական հաշվետվությունները ՀՀ դրամով՝ հաշվապահական հաշվառման ՀՀ օրենսդրությանը և դրանից բխող ցուցումներին համապատասխան:

Ֆինանսական հաշվետվությունները պատրաստվել են սկզբնական արժեքի սկզբունքի հիման վրա, բացառությամբ որոշ հիմնական միջոցների, որոնք ներկայացված են վերագնահատված արժեքով, ինչպես բացահայտված է ստորև բերված հաշվապահական հաշվառման քաղաքականության մեջ:

Ֆինանսական հաշվետվությունները ներկայացված են հայկական դրամով («ՀՀ դրամ»), և բոլոր արժեքները կլորացված են մինչև հազար ՀՀ դրամ, եթե այլ բան նշված չէ:

(հազար ՀՀ դրամ)

3. Հաշվապահական հաշվառման քաղաքականությունների ամփոփ նկարագիրը

ա) Հաշվապահական հաշվառման քաղաքականություն

Դրամական միջոցներ և դրանց համարժեքներ

Դրամական միջոցներն ու դրանց համարժեքները ներառում են կանխիկ միջոցները և բանկային հաշիվների մնացորդները:

Ավանդադրված միջոցները դասակարգվում են որպես կարճաժամկետ, եթե նրանց մարման ժամկետը հաշվետու ժամանակաշրջանից հետո մինչև 90 օր է:

Կանխավճարներ

Կանխավճարները հաշվառվում են սկզբնական արժեքով՝ հանած արժեզրկման կորստի գծով պահուստը: Կանխավճարը դասակարգվում է որպես ոչ ընթացիկ, երբ դրա հետ կապված ապրանքներն ու ծառայությունները ակնկալվում են ձեռք բերվել մեկ տարուց հետո, կամ երբ այն վերաբերում է այնպիսի ակտիվի, որը սկզբնական ճանաչման պահին կդասակարգվեր որպես ոչ ընթացիկ:

Ակտիվների ձեռքբերման համար տրված կանխավճարները տեղափոխվում են ակտիվի հաշվեկշռային արժեք, երբ Հիմնադրամը ակտիվի նկատմամբ ձեռք է բերում վերահսկողություն, և հավանական է, որ ակտիվի հետ կապված ապագա տնտեսական օգուտները կհոսեն դեպի Հիմնադրամ: Այլ կանխավճարները ծախսագրվում են ֆինանսական արդյունքներում, երբ ստացվում են դրանց հետ կապված ապրանքներն ու ծառայությունները: Եթե ամկա է որևէ հայտանիշ, որ կանխավճարի հետ կապված ակտիվները, ապրանքներն ու ծառայությունները չեն ստացվելու, ապա կանխավճարի հաշվեկշռային արժեքը համարժեք կերպով նվազեցվում է, և համապատասխան արժեզրկումից կորուստը ճանաչվում է տվյալ տարվա ֆինանսական արդյունքներում:

Հիմնական միջոցներ

Հիմնական միջոցներն արտացոլվում են սկզբնական արժեքով՝ առանց ընթացիկ սպասարկման ծախսերի՝ հանած կուտակված մաշվածություն և արժեզրկումից կուտակված կորուստները: Արժեքը ներառում է սարքավորման փոխարինման ժամանակ կատարված ծախսերը, եթե դրանք բավարարում են ճանաչման չափանիշներին:

Հիմնական միջոցների հաշվեկշռային արժեքը վերանայվում է արժեզրկման տեսանկյունից այն դեպքում, երբ առաջանում են դեպքերի կամ հանգամանքների այնպիսի փոփոխություններ, որոնք վկայում են ակտիվի հաշվեկշռային արժեքի հնարավոր չվերականգնման վերաբերյալ:

Երաժշտական գործիքները արտացոլվում են վերագնահատված արժեքով, որն իրենից ներկայացնում է իրական արժեքը վերագնահատման ամսաթվի դրությամբ՝ հանած համապատասխան կուտակված մաշվածություն և արժեզրկումից կուտակված վնասները: Վերագնահատումն իրականացվում է բավարար պարբերականությամբ, որպեսզի վերագնահատված ակտիվի իրական արժեքը էականորեն չտարբերվի դրա հաշվեկշռային արժեքից:

Վերագնահատման ամսաթվի դրությամբ կուտակված մաշվածությունը բացառվում է՝ միաժամանակ նվազեցվելով ակտիվի համախառն հաշվեկշռային արժեքից, և ստացված գումարը վերահաշվարկվում է՝ հաշվի առնելով ակտիվի վերագնահատված գումարը: Վերագնահատման արժեքի աճը արտացոլվում է այլ համապարփակ ֆինանսական արդյունքների կազմում, եթե այն տվյալ ակտիվի արժեքի նախորդ նվազման վերականգնում չէ, որը նախկինում արտացոլվել էր ֆինանսական արդյունքների մասին հաշվետվությունում: Այս դեպքում ակտիվի արժեքի աճը վերագրվում է ֆինանսական արդյունքներին: Վերագնահատումից արժեքի նվազումը արտացոլվում է ֆինանսական արդյունքների մասին հաշվետվությունում, բացառությամբ նախկինում հիմնական միջոցների վերագնահատման պահուստում արտացոլված նույն ակտիվի գծով արժեքի աճի հաշվին այդպիսի նվազեցման անմիջական հաշվանցմանը:

Ակտիվի օտարման դեպքում վերագնահատման պահուստում ներառված գումարը փոխանցվում է չբաշխված շահույթ:

(հազար ՀՀ դրամ)

3. Հաշվապահական հաշվառման քաղաքականությունների ամփոփ նկարագիրը (շարունակություն)

ա) Հաշվապահական հաշվառման քաղաքականություն (շարունակություն)

Ակտիվի մաշվածության հաշվարկը սկսվում է կատարվել այն ժամանակ, երբ այն օգտագործման համար դառնում է հասանելի: Մաշվածությունը հաշվարկվում է ուղիղ գծային մեթոդով՝ ակտիվի ներքոնշյալ օգտակար ծառայության գնահատված ժամկետների ընթացքում:

Հոդված	Օգտակար ծառայության ժամկետ
Մեքենաներ և սարքավորումներ	5 տարի
Գրասենյակային գույք	5 տարի
Երաժշտական գործիքներ	8 տարի

Ակտիվի մնացորդային արժեքները, օգտակար ծառայության ժամկետները և մաշվածության մեթոդները անհրաժեշտության դեպքում վերանայվում և փոփոխվում են յուրաքանչյուր հաշվետու ամսաթվի դրությամբ:

Վերանորոգումների և սպասարկման հետ կապված ծախսումները ծախսագրվում են կատարման ժամանակ և ներառվում են այլ գործառնական ծախսերում, բացառությամբ, եթե դրանք բավարարում են կապիտալացման չափանիշներին:

Հիմնական միջոցի միավորի հաշվեկշռային արժեքը պետք է ապաճանաչվի, երբ այն օտարվում է կամ ապագա ոչ մի տնտեսական օգուտ չի ակնկալվում վերջինիս օգտագործումից կամ օտարումից: Հիմնական միջոցի միավորի ապաճանաչումից առաջացող օգուտը կամ վնասը (որոշվում է որպես ակտիվի իրացումից զուտ մուտքերի և հաշվեկշռային արժեքի տարբերություն) պետք է ներառվի շահույթում կամ վնասում այն ժամանակաշրջանում, երբ միավորն ապաճանաչվում է:

Ֆինանսական ակտիվներ

Հիմնադրամի ֆինանսական ակտիվները սկզբնական ճանաչման պահին դասակարգվում են որպես հետագայում ամորտիզացված արժեքով չափվող, իրական արժեքով՝ այլ համապարփակ ֆինանսական արդյունքների միջոցով չափվող կամ իրական արժեքով՝ շահույթի կամ վնասի միջոցով չափվող ֆինանսական ակտիվներ:

Հիմնադրամն ունի այնպիսի ֆինանսական ակտիվներ, ինչպիսիք են դրամական միջոցներն ու դրանց համարժեքները և տրամադրված փոխառություն:

Ֆինանսական ակտիվը (կամ, որտեղ կիրառելի է, ֆինանսական ակտիվի մի մասը, կամ համանման ֆինանսական ակտիվների խմբի մի մասը) ապաճանաչվում է, երբ՝

- ▶ Ակտիվից դրամական հոսքեր ստանալու պահանջի իրավունքի ժամկետն ավարտված է:
- ▶ Հիմնադրամը փոխանցել է ակտիվից դրամական հոսքեր ստանալու պահանջի իրավունքը, կամ պահպանել է այդ իրավունքը, բայց պարտավորվում է ստացված գումարներն ամբողջությամբ և առանց էական ուշացման փոխանցել երրորդ կողմին՝ փոխանցման պայմանավորվածության համաձայն, ինչպես նաև:
- ▶ Հիմնադրամը կամ (ա) փոխանցել է ակտիվի գծով բոլոր ռիսկերի և հատույցների զգալի մասը, կամ (բ) ոչ փոխանցել և ոչ էլ պահպանում է ակտիվի գծով բոլոր ռիսկերի և հատույցների զգալի մասը, սակայն փոխանցել է ակտիվի նկատմամբ վերահսկողությունը:

Այն դեպքում, երբ Հիմնադրամը փոխանցել է ակտիվից դրամական հոսքեր ստանալու պահանջի իրավունքը և ոչ փոխանցել ու ոչ էլ պահպանել է ակտիվի գծով բոլոր ռիսկերի և հատույցների զգալի մասը, և չի փոխանցել ակտիվի նկատմամբ վերահսկողությունը, ակտիվը ճանաչվում է Հիմնադրամի շարունակվող մասնակցությանը համարժեք: Երբ շարունակվող մասնակցությունը ձեռք է բերում փոխանցվող ակտիվի երաշխիքային ապահովման ձև, այդպիսի մասնակցությունը չափվում է հետևյալ երկու մեծություններից նվազագույնով՝ ակտիվի սկզբնական հաշվեկշռային արժեք և Հիմնադրամից պահանջվող փոխհատուցման առավելագույն գումար:

Համաձայն ՖՀՄՍ 9-ի՝ պարտքային գործիքները սկզբնական ճանաչումից հետո չափվում են իրական արժեքով՝ շահույթի կամ վնասի միջոցով, ամորտիզացված արժեքով կամ իրական արժեքով՝ այլ համապարփակ ֆինանսական արդյունքների միջոցով: Դասակարգումը հիմնված է հետևյալ երկու չափանիշների վրա. Հիմնադրամի ակտիվների կառավարման բիզնես մոդելի և արդյոք գործիքի գծով պայմանագրային դրամական միջոցների հոսքերը բավարարում են «բացառապես հիմնական գումարի և տոկոսների վճարման» չափանիշին: ՖՀՄՍ 9-ը պահանջում է Հիմնադրամից ճանաչել ակնկալվող պարտքային կորստի գծով պահուստ բոլոր այն պարտքային գործիքների համար, որոնք չափվում են ամորտիզացված արժեքով կամ իրական արժեքով՝ այլ համապարփակ ֆինանսական արդյունքների միջոցով:

(հազար ՀՀ դրամ)

3. Հաշվապահական հաշվառման քաղաքականությունների ամփոփ նկարագիրը (շարունակություն)

ա) Հաշվապահական հաշվառման քաղաքականություն (շարունակություն)

Հիմնադրամը բանկերում բացված հաշիվների համար պահուստի գումարը հաշվարկում է՝ ելնելով գործընկեր բանկի երկարաժամկետ վարկային ռեյտինգից:

Ֆինանսական պարտավորություններ

Ֆինանսական պարտավորությունները սկզբնապես ճանաչվում են իրական արժեքով՝ հանած գործարքին ուղղակիորեն վերագրելի ծախսերը, և չեն դասակարգվում որպես իրական արժեքով՝ շահույթի կամ վնասի միջոցով չափվող: Հետագա չափումը կատարվում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Հիմնադրամի հիմնական ֆինանսական պարտավորությունները բաղկացած են կրեդիտորական պարտքերից:

Ֆինանսական պարտավորությունն ապաճանաչվում է, երբ մարվում, չեղյալ է համարվում կամ ուժի մեջ լինելու ժամկետը լրանում է:

Եկամուտներ

Եկամտի սահմանափակ օգտագործման ֆոնդերը ստացվում են հատուկ նպատակով նվիրաբերություններից և հասանելի չեն Հիմնադրամի ընդհանուր օգտագործման համար: Այս ֆոնդերը սկզբնապես ճևակերպվում են որպես պարտավորություններ և համապարփակ ֆինանսական արդյունքների մասին հաշվետվությունում ճանաչվում են որպես եկամուտ այնքան ժամանակ, որքան Հիմնադրամը կատարում է սահմանափակ օգտագործման ֆոնդերի գծով նվիրաբերությունների պայմանագրերով նախատեսված պարտավորությունները: Որպես կանոն՝ նման նվիրաբերություններից եկամուտները ճանաչվում են պարտավորությունները կատարելիս դրանց հետ կապված ծախսերի առաջացմանը զուգընթաց: Եկամտի անսահմանափակ օգտագործման ֆոնդերը հասանելի են նվիրաբերությունների ընդհանուր նպատակների համար, ինչպես նշված է Հիմնադրամի կառավարչական փաստաթղթերում: Այդ իսկ պատճառով, եկամտի անսահմանափակ օգտագործման ֆոնդերի գծով նվիրաբերությունները ճանաչվում են որպես եկամուտ, երբ կան բավարար ապացույցներ, որ ստացվել և կատարվել է նվիրաբերությունը կատարելու խոստումը:

Չուտ ակտիվներ

Հիմնադրամի զուտ ակտիվները չեն բաշխվում հիմնադիրների միջև ո՛չ սովորական գործունեության ընթացքում, և ո՛չ էլ՝ լուծարման ժամանակ:

Տոկոսային եկամուտ

Տոկոսային եկամուտները ճանաչվում են այն ժամանակ, երբ տոկոսները հաշվեգրվում են օգտագործելով արդյունավետ տոկոսադրույքի մեթոդը, որն ակնկալվող ապագա դրամական մուտքերը գեղչում է ֆինանսական գործիքի ակնկալվող օգտագործման ժամանակահատվածի ընթացքում ֆինանսական ակտիվի զուտ հաշվեկշռային արժեքին:

Ծախսեր

Վճարները, միջնորդավճարները և այլ ծախսերը սովորաբար ճանաչվում են հաշվեգրման եղանակով, երբ ծառայությունը համարվում է մատուցված:

Տրված նվիրաբերություններ

Հիմնադրամը նվիրաբերություններ է կատարում ֆիզիկական անձանց, ինչպես նաև իրավաբանական անձանց՝ նվիրաբերության պայմանագրերի հիման վրա՝ բանկային փոխանցումների միջոցով: Նվիրաբերության ծախսերը ճանաչվում են նվիրաբերության գումարի փոխանցման պահին:

(հազար ՀՀ դրամ)

3. Հաշվապահական հաշվառման քաղաքականությունների ամփոփ նկարագիրը (շարունակություն)

ա) Հաշվապահական հաշվառման քաղաքականություն (շարունակություն)

Աշխատակիցների հատուցումներ

Աշխատավարձերը, ՀՀ Պետական բյուջե հատկացումները, վճարովի տարեկան արձակուրդը, հիվանդության հետ կապված վճարովի արձակուրդը, պարգևավճարները և այլ ոչ դրամական հատուցումները (ինչպիսիք են, օրինակ, առողջապահական ծառայությունների մատուցման տարում: Աշխատակիցները ստանում են կենսաթոշակներ ՀՀ Պետական կենսաթոշակային հիմնադրամից՝ օրենքներին և կարգավորումներին համապատասխան: ՀՀ Պետական կենսաթոշակային հիմնադրամին հատկացումները կատարվում են Հիմնադրամի կողմից տվյալ տարվա ընթացքում ուժի մեջ գտնվող պարտադիր դրույքաչափերին համապատասխան: Այսպիսի հատկացումները ծախսագրվում են, երբ կատարվում են:

Արտարժույթային գործառնություններ

Հիմնադրամի ֆինանսական հաշվետվությունները ներկայացված են Հայկական դրամով, որը Հիմնադրամի գործառնական և ներկայացման արժույթն է: Արտարժույթով գործարքները սկզբնապես հաշվառվում են գործարքի կատարման ամսաթվի դրությամբ առկա գործառնական արժույթի փոխարժեքով: Արտարժույթով սահմանված դրամային ակտիվները և պարտավորությունները վերահաշվարկվում են հաշվետու ամսաթվի դրությամբ գործառնական արժույթի փոխանակման փոխարժեքով: Ոչ դրամային հոդվածները, որոնք չափվում են պատմական արժեքով, արտարժույթով վերահաշվարկվում են՝ օգտագործելով սկզբնական գործարքի ամսաթվի դրությամբ փոխարժեքները:

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի արդյունքում:

2023 թ. դեկտեմբերի 31-ի դրությամբ ՀՀ կենտրոնական բանկի կողմից 1 ԱՄՆ դոլարի համար հայտարարված փոխարժեքը կազմում էր 404.79 ՀՀ դրամ (2022թ.՝ 393.57 ՀՀ դրամ), 1 եվրոյի համար՝ 447.90 ՀՀ դրամ (2022թ.՝ 420.06 ՀՀ դրամ), իսկ 1 ֆունտ ստերլինգի համար 515.38 ՀՀ դրամ (2022թ.՝ 474.13 ՀՀ դրամ):

Հարկեր

Ընթացիկ տարվա շահութահարկ

Ընթացիկ ժամանակաշրջանի համար շահութահարկի գծով ակտիվներն ու պարտավորությունները չափվում են այն գումարով, որն ակնկալվում է հետ ստանալ հարկային մարմիններից կամ վճարել հարկային մարմիններին: Գումարը հաշվելու համար օգտագործվում են այն հարկային դրույքաչափերը և հարկային օրենսդրությունը, որոնք գործել են կամ, ըստ էության, գործել են հաշվետու ժամանակաշրջանի դրությամբ:

բ) Հաշվապահական հաշվառման քաղաքականության փոփոխությունները

Նոր և փոփոխված ստանդարտներ և մեկնաբանություններ

Հիմնադրամն առաջին անգամ կիրառել է որոշ ստանդարտներ և փոփոխություններ, որոնք ուժի մեջ են մտնում 2023թ. հունվարի 1-ից կամ դրանից հետո սկսվող տարեկան ժամանակաշրջանների համար (եթե այլ բան նշված չէ):

ՀՀՄՍ 1-ում և ՀՀՄՍ գործնական ուղեցույց No 2-ում փոփոխություններ. Հաշվապահական քաղաքականության բացահայտում:

ՀՀՄՍ 8-ում փոփոխություններ. Հաշվապահական հաշվառման գնահատումների սահմանում:

Այս փոփոխությունները որևէ եական ազդեցություն չեն ունեցել Հիմնադրամի վրա:

(հազար ՀՀ դրամ)

4. Թողարկված, բայց դեռ ուժի մեջ չմտած ստանդարտներ

Ստորև նկարագրված են հրապարակված նոր և փոփոխված ստանդարտներն ու մեկնաբանությունները, որոնք Հիմնադրամի ֆինանսական հաշվետվությունների թողարկման ժամանակ դեռևս ուժի մեջ չեն եղել: Հիմնադրամը պատրաստվում է կիրառելիության դեպքում ընդունել այս փոփոխված ստանդարտները և մեկնաբանությունները, երբ դրանք ուժի մեջ մտնեն: Ակնկալվում է, որ այս փոփոխությունները Հիմնադրամի ֆինանսական հաշվետվությունների վրա էական ազդեցություն չեն ունենա:

ՀՀՄՍ 1-ում փոփոխություններ. Պարտավորությունների դասակարգումը որպես ընթացիկ կամ ոչ ընթացիկ: ՀՀՄՍ 7-ում և ՖՀՄՍ 7-ում փոփոխություններ. Մատակարարների ֆինանսավորման պայմանավորվածություններ:

5. Նշանակալի հաշվապահական դատողություններ, գնահատումներ և ենթադրություններ

Գնահատումներ, ենթադրություններ և դատողություններ

Հիմնադրամի կողմից հաշվապահական հաշվառման քաղաքականության կիրառման ընթացքում Հիմնադրամի ղեկավարությունը կատարել է գնահատումներ և դատողություններ՝ ֆինանսական հաշվետվություններում ներկայացված տվյալների որոշման համար: Առավել էական ազդեցություն ունեցող գնահատումները և դատողությունները հետևյալն են.

Հիմնական միջոցների օգտակար ծառայության ժամկետ

Հիմնադրամը գնահատում է հիմնական միջոցների մնացորդային օգտակար ծառայության ժամկետներն առնվազն յուրաքանչյուր ֆինանսական տարվա ավարտին: Եթե սպասելիքները տարբերվում են նախորդ գնահատումներից, փոփոխությունները հաշվառվում են որպես փոփոխություններ հաշվապահական հաշվառման գնահատումներում՝ համաձայն ՀՀՄՍ 8՝ «Հաշվապահական հաշվառման քաղաքականություններ, փոփոխություններ հաշվապահական հաշվառման գնահատումներում և սխալներ» ստանդարտի: Այս գնահատումները կարող են ունենալ նշանակալի ազդեցություն հիմնական միջոցների հաշվեկշռային արժեքների վրա:

Հիմնական միջոցների ապաճանաչում

2021 թվականին Հիմնադրամը նվիրաբերություն է ստացել՝ երաժշտական գործիքներ, որ սկզբնապես ճանաչվել են իրական արժեքով և հետագայում հաշվառվել վերագնահատման մոդելի կիրառմամբ: 2022 թվականին Հիմնադրամն այդ գործիքները փոխանցել է Հայաստանի պետական սիմֆոնիկ նվագախմբի երաժշտներին՝ անժամկետ օգտագործման և ապաճանաչել այդ ակտիվները:

(հազար ՀՀ դրամ)

6. Հիմնական միջոցներ

Հիմնական միջոցները և դրանց գծով կուտակված մաշվածությունը բաղկացած են հետևյալ հոդվածներից.

	<i>Մեքենաներ և սարքավորումներ</i>	<i>Գրասենյակային գույք</i>	<i>Երաժշտական գործիքներ</i>	<i>Ընդամենը</i>
Մնացորդ 2022թ. հունվարի				
31-ի դրությամբ	2,983	119	45,485	48,587
Ավելացումներ	–	–	784	784
Օտարում և դուրսգրում	–	–	(42,752)	(42,752)
Մնացորդ 2022թ. դեկտեմբերի				
31-ի դրությամբ	2,983	119	3,517	6,619
Ավելացումներ	–	–	1,070	1,070
Ներքին շարժ	(386)	–	386	–
Մնացորդ 2023թ. դեկտեմբերի				
31-ի դրությամբ	2,597	119	4,973	7,689
Կուտակված մաշվածություն				
Մնացորդ 2022թ. հունվարի				
31-ի դրությամբ	1,925	50	10	1,985
Մաշվածության գծով ծախս	746	24	392	1,162
Մնացորդ 2022թ. դեկտեմբերի				
31-ի դրությամբ	2,671	74	402	3,147
Մաշվածության գծով ծախս	–	23	683	706
Ներքին շարժ	(74)	–	74	–
Մնացորդ 2023թ. դեկտեմբերի				
31-ի դրությամբ	2,597	97	1,159	3,853
Հաշվեկշռային արժեք				
Մնացորդ 2021թ. դեկտեմբերի				
31-ի դրությամբ	1,058	69	45,475	46,602
Մնացորդ 2022թ. դեկտեմբերի				
31-ի դրությամբ	312	45	3,115	3,472
Մնացորդ 2023թ. դեկտեմբերի				
31-ի դրությամբ	–	22	3,814	3,836

7. Տրված փոխառություն

2023թ.ի հունիսին Հիմնադրամը տրամադրել է կարծաժամկետ անտոկոս փոխառություն «Արամ Խաչատուրյան» մշակութային հիմնադրամին 12 միլիոն դրամի չափով: Փոխառության հաշվեկշռային արժեքը մոտավորապես համասար է դրանց հաշվեկշռային արժեքին՝ պայմանավորված իր կարծ ժամկետայնությամբ:

2024 թ-ի սկզբին փոխառությունը լրիվ մարվել է:

8. Տրված կանխավճարներ

Տրված կանխավճարները ներառում են հետևյալ հոդվածները.

	2023թ.	2022թ.
Նվիրաբերություններ անելու նպակատով	9,500	–
Ապրանք ձեռք բերելու և այլ նպատակներով	637	833
Ընդամենը	10,137	833

(հազար ՀՀ դրամ)

9. Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են հետևյալ հոդվածները.

	Արժույթ	2023թ.	2022թ.
Ընթացիկ հաշիվներ բանկերում	ՀՀ դրամ	4,408	15,479
Ընթացիկ հաշիվներ բանկերում	ԱՄՆ դոլար	17,005	14,999
Ընթացիկ հաշիվներ բանկերում	Եվրո	-	9,622
Ընթացիկ հաշիվներ բանկերում	Ֆուլտ ստերլինգ	12,740	-
Ընդամենը դրամական միջոցներ և դրանց համարժեքներ		34,153	40,100

2023թ. դեկտեմբերի 31-ի դրությամբ Հիմնադրամի դրամական միջոցները տեղաբաշխված են մեկ հայկական բանկում (2022թ.՝ մեկ հայկական բանկում): 2023թ. դեկտեմբերի 31-ի դրությամբ Բանկը ունի Արտաբաշխված երկարաժամկետ պարտավորություններ թողարկողի (Long-term Issuer Default Rating (IDR)) 'B' վարկանիշ՝ Դրական հեռանկարով և 'b' Կենսունակության վարկանիշ (Viability Rating (VR))՝ Fitch Ratings միջազգային վարկանիշային ընկերությունից: Դրամական միջոցների և դրանց համարժեքների բոլոր մնացորդները տեղակայված են Փուլ 1-ում:

10. Առևտրային և այլ կրեդիտորական պարտքեր

Առևտրային և այլ կրեդիտորական պարտքերը ներառում են հետևյալ հոդվածները.

	2023թ.	2022թ.
Սահմանափակ օգտագործման ֆոնդեր	4,504	39,351
Ստացված ծառայությունների, հարկերի (բացի շահութահարկից) և այլ պարտադիր վճարների գծով պարտքեր	854	1,137
Ընդամենը	5,358	40,488

Սահմանափակ օգտագործման ֆոնդերը ստացվում են հատուկ նպատակով նվիրաբերություններից և մատչելի չեն Հիմնադրամի ընդհանուր օգտագործման համար: 2023թ.-ի դեկտեմբերի 31-ի դրությամբ սահմանափակ օգտագործման ֆոնդերի մնացորդը, որը կօգտագործվի նախապես որոշված նպատակներով, կազմում է 4,504 հազար ՀՀ դրամ (2022թ.՝ 39,351):

Անսահմանափակ օգտագործման ֆոնդերը հասանելի են նվիրաբերությունների ընդհանուր նպատակների համար, ինչպես նշված է Հիմնադրամի կառավարչական փաստաթղթերում: Անսահմանափակ օգտագործման ֆոնդերի գծով Հիմնադրամը պարտավորություն չի ձևավորել և այդ ֆոնդերի գծով ստացված նվիրաբերությունները ճանաչել է եկամուտ՝ Ֆինանսական արդյունքների և այլ համապարփակ ֆինանսական արդյունքների մասին հաշվետվություն (ծան. 11):

11. Եկամուտներ ստացված նվիրաբերություններից

Նվիրաբերություններից ստացված միջոցները ներառում են հետևյալ հոդվածները.

	2023թ.	2022թ.
Կազմակերպություններից ստացված նվիրաբերություններ	110,683	131,757
Անհատներից ստացված նվիրաբերություններ	20,135	26,097
Ընդամենը եկամուտներ ստացված նվիրաբերություններից	130,818	157,854

2023թ. համար Ֆինանսական արդյունքների և այլ համապարփակ ֆինանսական արդյունքների մասին հաշվետվությունում ճանաչված 165,665 հազար ՀՀ դրամի (2022թ.՝ 119,794 հազար ՀՀ դրամ) ստացված նվիրաբերություններից եկամուտները ներառում են հաշվետու ժամանակաշրջանում ընդհանուր նպատակներով ստացված 123,314 հազ. ՀՀ դրամի գումարը (2022թ.՝ 12,920 հազար ՀՀ դրամ), հատուկ նպատակներով ստացված 3,000 հազար ՀՀ դրամ ((2022թ.՝ 106,874 ՀՀ դրամ), ինչպես նաև անցյալ տարի՝ հատուկ նպատակներով ստացված 39,351 հազ. գումարը:

(հազար ՀՀ դրամ)

12. Տրված նվիրաբերություններ

Տրված նվիրաբերությունները ներառում են հետևյալ հոդվածները.

	2023թ.	2022թ.
Կազմակերպություններին տրված նվիրաբերություններ	51,556	17,324
Անհատներին տրված նվիրաբերություններ	27,810	79,461
Ընդամենը տրված նվիրաբերություններ	79,366	96,785

13. Վարչական և այլ ծախսեր

Վարչական և այլ ծախսերը ընդգրկում են Հիմնադրամի գործունեությանը վերաբերող ծախսերը և Հայաստանի պետական սիմֆոնիկ նվագախմբի կատարած ծախսերի փոխհատուցումները:

Հիմնադրամի գործունեությանը վերաբերող ծախսերը ներառում են հետևյալ հոդվածները.

	2023թ.	2022թ.
Անձնակազմի գծով ծախսեր	20,943	15,106
Մասնագիտական ծառայություններ	5,556	2,400
Գործուղման և ներկայացուցչական ծախսեր	3,753	3,081
Վերապատրաստում	3,184	-
Չփոխհատուցվող հարկեր և այլ ծախսեր	1,352	7
Գրասենյակային և կոմունալ ծախսեր	535	-
Մաշվածություն	706	1,162
Բանկի և ապահովագրության գծով ծախսեր	436	101
Ընդամենը վարչական և այլ ծախսեր	36,465	21,857

Հիմնադրամի կողմից Հայաստանի պետական սիմֆոնիկ նվագախմբի կատարած ծախսերի փոխհատուցումները ներառում են հետևյալ հոդվածները.

	2023թ.	2022թ.
Գործուղման և ներկայացուցչական ծախսեր	595	6,616
Գրասենյակային և կոմունալ ծախսեր	9	2,756
Այլ ծախսեր	135	1,708
Ընդամենը վարչական և այլ ծախսեր	37,204	32,937

14. Շահութահարկի գծով ծախս

Շահութահարկի գծով ծախսի հիմնական բաղադրիչներն են՝

	2023թ.	2022թ.
Ընթացիկ տարվա շահութահարկ		
Ընթացիկ տարվա շահութահարկի գծով ծախս	73	176
Ընդամենը շահութահարկի գծով ծախս	73	176

	2023թ.	2022թ.
Հաշվապահական շահույթ (վնաս) մինչև հարկումը	51,026	(10,941)
Շահութահարկի (շահութահարկի փոխհատուցում)՝ 18% կիրառելի հարկային դրույքով (2022թ՝ 18%)	9,185	(1,969)
Չնվազեցվող հոդվածներ	(8,837)	1,787
Արտարժույթի փոխարժեքի փոփոխությունների գուտ տարբերություններ	(275)	358
Ընդամենը շահութահարկի գծով ծախս	73	176

(հազար ՀՀ դրամ)

15. Պարտավորվածություններ, պայմանական պարտավորություններ Հիմնադրամի գործառնական միջավայրը

Իրավական միջավայր

Հաշվետու ժամանակաշրջանի ընթացքում Հիմնադրամը դատական գործընթացների կամ վեճերի մեջ չի ներգրավվել: 2023 և 2022 թթ. դեկտեմբերի 31-ի դրությամբ Հիմնադրամի դեմ առկա դատական հայցեր չկան:

16. Գործարքներ կապակցված կողմերի հետ

Հիմնադրամի հիմնադիրները բացահայտված են Ծանոթագրություն 1-ում: Ղեկավարությունը գտնում է, որ Հիմնադրամը տիրապետում է կապակցված կողմերի հետ գործարքների որոշման և պատշաճ կերպով բացահայտման համապատասխան գործընթացներին:

Հիմնադրամը կապակցված կողմերի հետ կատարում է այնպիսի գործարքներ, որոնք համարժեք են անկախ կողմերի հետ գործարքներին:

Ստորև ներկայացված են 2023թ. և 2022թ. համար կապակցված կողմերի հետ գործարքների ծավալը, եկամուտներն ու ծախսերը:

	2023թ. դեկտեմբերի 31- ին ավարտվող տարվա համար	2022թ. դեկտեմբերի 31- ին ավարտվող տարվա համար
Գործարքներ		
<i>Կառավարչական առանցքային անձնակազմ</i>		
Աշխատավարձ	11,335	9,042
Վերապատրաստում	3,184	-
<i>Համատեղ հսկողություն ունեցող կազմակերպություն</i>		
Տրամադրված փոխառություն*	12,000	-
Տրամադրված նվիրատվություն	9,000	-
	2023թ. դեկտեմբերի 31-ի դրությամբ	2022թ. դեկտեմբերի 31- ի դրությամբ
Մնացորդներ		
<i>Համատեղ հսկողություն ունեցող կազմակերպության</i>		
Տրամադրված փոխառություն*	12,000	-

* Փոխառությունը լրիվ մարվել է 2024թ. սկզբին:

17. Ֆինանսական գործիքների իրական արժեք

Իրական արժեքները դասակարգվում են ըստ իրական արժեքի հիերարխիայի տարբեր մակարդակների՝ հիմք ընդունելով գնահատման մեթոդներում օգտագործված ելակետային տվյալները, ինչպես ներկայացված է ստորև:

- ▶ 1-ին մակարդակ. համանման ակտիվների կամ պարտավորությունների համար ակտիվ շուկաներում գնանշվող գներ (չճշգրտված):
- ▶ 2-րդ մակարդակ. 1-ին մակարդակում ներառված գնանշվող գներից տարբեր այլ ելակետային տվյալներ, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ) կամ անուղղակիորեն (այսինքն՝ գների հիման վրա ստացվող):
- ▶ 3-րդ մակարդակ. ակտիվի կամ պարտավորության գծով ելակետային տվյալներ, որոնք հիմնված չեն դիտարկելի շուկայական տվյալների վրա (ոչ դիտարկելի ելակետային տվյալներ):

Դրամական միջոցների և դրանց համարժեքների, տրված փոխառությունների և առևտրային և այլ կրեդիտորական պարտքերի իրական արժեքները մոտավորապես համասար են դրանց հաշվեկշռային արժեքներին՝ պայմանավորված իրենց կարճ ժամկետայնությամբ:

(հազար ՀՀ դրամ)

17. Ֆինանսական գործիքների իրական արժեք (շարունակություն)

Ստորև բերված աղյուսակը ներկայացնում է ֆինանսական ակտիվների և պարտավորությունների իրական արժեքը, որոնք ֆինանսական վիճակի մասին հաշվետվությունում չեն չափվել իրական արժեքով:

	Ընդամենը	Մակարդակ 1	Մակարդակ 3
2023թ. դեկտեմբերի 31-ի դրությամբ			
Ֆինանսական ակտիվներ			
Դրամական միջոցներ և դրանց համարժեքներ	34,153	34,153	–
Տրված փոխառություն	12,000		12,000
Ֆինանսական պարտավորություններ			
Առևտրային և այլ կրեդիտորական պարտքեր	75	–	75
2022թ. դեկտեմբերի 31-ի դրությամբ			
Ֆինանսական ակտիվներ			
Դրամական միջոցներ և դրանց համարժեքներ	40,100	40,100	–
Ֆինանսական պարտավորություններ			
Առևտրային և այլ կրեդիտորական պարտքեր	599	–	599

18. Ռիսկի կառավարում

Հիմնադրամի հիմնական ֆինանսական գործիքները կազմված են դրամական միջոցներից և դրանց համարժեքներից, տրված փոխառություններից, առևտրային և այլ կրեդիտորական պարտքերից: Այս ֆինանսական գործիքների հիմնական նպատակը Հիմնադրամի բարեգործական գործունեությունում կիրառումն է:

Հիմնական ռիսկերը, կապված Հիմնադրամի ֆինանսական գործիքների հետ, հանդիսանում են տոկոսադրույքի ռիսկը, արտարժույթի փոխարժեքի տատանման ռիսկը, պարտքային ռիսկը և իրացվելիության ռիսկը:

Հիմնադրամի Հոգաբարձուների խորհուրդը իրականացնում է վերահսկողություն այդ ռիսկերից յուրաքանչյուրի գծով, որն ամփոփված է ստորև:

Տոկոսադրույքի ռիսկ

Հիմնադրամի եկամուտները և գործառնական գործունեությունից դրամական միջոցների հոսքերը անկախ են շուկայական տոկոսադրույքի փոփոխություններից:

Արտարժույթային ռիսկ

Հիմնադրամը ստանում է արտարժույթով արտահայտված զգալի նվիրաբերություններ իր նվիրատուներից և, հետևաբար, այս տեսանկյունից ենթակա է արտարժույթային ռիսկի: 2023թ.-ի հունվարի 1-ից մինչև 2023թ.-ի դեկտեմբերի 31-ը ընկած ժամանակահատվածում Հիմնադրամն իրականացրել է զգալի արժույթային գործարքներ՝ ծառայությունների -վճարումների հետ կապված:

Ստորև ներկայացված աղյուսակը ցույց է տալիս Հիմնադրամի եկամտի զգայունությունը փոխարժեքների հնարավոր ողջամիտ տատանումների նկատմամբ՝ ենթադրելով, որ բոլոր այլ փոփոխականները մնում են հաստատուն (պայմանավորված դրամային ակտիվների իրական արժեքների փոփոխությունների հետ):

Հիմնադրամն ունի արտարժույթային դիրքեր դրամական միջոցների և դրանց համարժեքների գծով:

	Փոխարժեքի փոփոխություն (%)	Եկամտի վրա ազդեցություն
2023թ.		
ԱՄՆ դոլար	-10	1,700
Ֆունտ ստերլինգ	-10	1,274
ԱՄՆ դոլար	+10	(1,700)
Ֆունտ ստերլինգ	+10	(1,274)

(հազար ՀՀ դրամ)

18. Ռիսկի կառավարում (շարունակություն)

	Փոխարժեքի փոփոխություն (%)	Եկամտի վրա ազդեցություն
2022թ.		
ԱՄՆ դոլար Եվրո	12.62 21.31	1,893 2,058
ԱՄՆ դոլար Եվրո	(12.62) (21.31)	(1,893) (2,058)

Հիմնադրամը չունի որևէ համաձայնություն իր գործունեության ընթացքում արտարժույթային ռիսկերը մեղմացնելու համար և ենթակա է արտարժույթի փոխարժեքի փոփոխությունների ռիսկին՝ բաց արժույթային դիրքի չափով:

Պարտքային ռիսկ

Հիմնադրամը համագործակցում է միայն ճանաչված և վճարունակ երրորդ կողմերի հետ:

Հիմնադրամի՝ պարտքային ռիսկին հակվածության վրա ազդում է գործընկերոջ հնարավոր անվճարունակությունը, որի առավելագույն գումարը հավասար է համապատասխան ֆինանսական գործիքի հաշվեկշռային արժեքին:

Իրացվելիության ռիսկ

Հիմնադրամն իրականացնում է շարունակական վերահսկողություն վնասներ կրելու ռիսկի ուղղությամբ, որն առաջանում է իրացվելի ակտիվների բացակայության պատճառով ֆինանսական պարտավորություններն ամբողջությամբ կատարելու անկարողությունից: Հիմնադրամի ֆինանսական պարտավորությունների մարման ժամկետը մեկ ամսից պակաս է: